



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

Die Dedicacionis Templi, & infra Octavam.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

MOBILIA. 25

in carnis odio, amore tui suscepto:
 fac, ut quicquid agam, agam id in-
 stinctu amoris tui; quod, ad reci-
 piendam in hoc Sacramento tuam
 integritatem, semper magis reddar ido-
 neus. Utinam possem omnibus,
 quæ per Orbem terrarum fiunt, sa-
 crificiis interesse! Offero tibi om-
 nia, quæ facta sunt, quæve fient
 sacrificia; & cogitationes meas
 omnes, verba, ac opera, illis con-
 iuncta, tibi sacrifico, imbuta pre-
 paratissimo Sanguine cruenti sacrificii
 tui, & meritis dulcissimæ Virginis
 Matris tuæ, ac omnium Electo-
 rum, ut illis imbuantur, & per-
 nisceantur, sicut sponsa in corde
 naris demersa, sicut aquæ gutta in
 calice vini pretiosi, sicut duo mi-
 nuta aeternis gazophylacii cælestis
 thesauris permixta; idque totum
 desidero è puro amoris tui motivo;
 quia dignus es, quia Deus es.

DIE DEDICATIONIS TEMPLI,

& infra Octavam.

Sicut hisce diebus anniversaria
 templi hujus tui dedicatio instau-
 ratur; ita ego, novâ dedicatione me
 te integro tibi consecro, Deus,
 qui voluisti templum tuum fieri in no-

B bis.

25 DIES, & FESTA

bis. Sim ego vivum templum tuum
 Fac, ut hujus templi *altare aureum*
 sit cor meum; cujus Sacerdos sit
 amor tuus, qui ei, alendo divinis
 igni tuo, *ligna* suggerat *per singulos*
dies. Sint oculi tui, & cor tuum in
 hoc templo tuo; ut oculos meos
 & cor meum custodiant, & faciant
 ut semper te geram in oculis, & in
 corde. Ita cor meum erit domus
 orationis assiduæ, locus sanctus
 inæstimabile Sacramentum. Scripsit
 bat spiritus amoris tui, dexteræ tuæ
 digitus, in hac templi tui dedica-
 tione, in corde meo, *alphabetum*
 amoris tui. Tu illud asperge San-
 guine Christi tui, ac lacrymis
 Magdalenæ, Petri, Augustini, alio-
 rumque Sanctorum, de peccatis
 suis, è vero amore, dolentium. De-
 vivis, & electis virtutum, tibi ma-
 ximè placentium, lapidibus, archi-
 tecto amore tuo, in me *æternam*
majestati tua prepara habitaculum
 ut cor meum sit aurea domus tua
 quies tua, tuæ delicia. Appende
 templo huic tuo, velut campanas
 argenteas, imò aureas, pretiosas,
 & *son* exempla Sanctorum; ut in
 spirationibus tuis obedienter obse-
 quar, illòsque imiter; in amore tu
 potissimum, in quo illi tibi sup-

omni

omnia placuerunt. Nec Salomonis
templum fuit adedò sumptuosum,
quàm hoc meum, seu tuum in me,
cujus ædificatio, expiatio, dedica-
tio constitit *pretio magno valdè,*
Sanguine Filii Tui, Deus! Vestias
ergò illud cedris Dei. Cogitationes
meæ sint in illo tibi *Sancta sancto-*
rum. Pone in medio ejus tuæ vo-
luntatis *oraculum,* & *arcam fœderis*
æterni, sacratissimam Virginem
Matrem, quæ est *fœderis arca.* O-
peri illud *auro purissimo;* affige in
illo *laminas legis tuæ clavis aureis*
amoris tui; sed prius confige timo-
re tuo carnes meas; ut amore cor,
& caro mea, in te tantò magis ex-
ultet. *Nihil erat in illo templo, quod*
non auro tegeretur. Tege, imò im-
bue, intus & foris, quicquid cogi-
to, dico, ago, illo tuo *auro ignito,*
quod nascitur in montibus sanctis,
in corde tuo, Deus! ut *nihil* in me
sit, quod amore illo solido cooper-
tum non sit. Pone in me auro tectos
Cherubinos, qui me doceant scien-
tiam Sanctorum, id est, amoris tui.
adde Seraphinos, qui me pretioso
illo tui altaris igne perpurgent, il-
luminent, ac inflamment: ut ita
igneis, & aureis Seraphinorum, ac
Cherubinorum alis, ope tuâ, ad te

subiectus intellectus meus, & voluntas mea, videat te, amet te, immortaliter vivat in te, *in templo sancto gloria tua.* Amen.

AD ANGELUM CUSTODEM
quotidie.

Amantissime, dulcissime, solertissime mi Angele Custos, dux protector, magister, amice verus, fidelis, verè thesaurus immortalitatis meæ! Gratias ago Deo meo, pro te mihi dato, & pro donis omnibus, quibus ornavit te. Gratias ago tibi; quòd me sanctè, à primâ natiuitatis meæ horâ, protexeris. Perge, usque dum me sistas Deo, unde ad me custodiendum es missus. Doleo, quòd non semper fuerim ad omnem tuum nutum; quòd te contristaverim, quando feci aliquid, quod placebat angelo tenebrarum! Suggere cordi meo, quae Deus vult; & tardi cordis mei duritiam, ac surditatem vince. Sensus meos omnes, & cor meum gubernam. **MARIAM** Reginam nostram, & Sanctos omnes, ac Sanctas Dei, præcipuè Patronos, & Patronas meas, tibi pro auxilio adijunge: totum me sacratissimæ Trinitati, per **JESU**